

Vnd warhaffter Bericht eines Jesuiters/ welcher inn  
Teuffels gestalt sich angethan/ in welcher gestalt/ er ein Euangelische Magd/ von ihrem Glau-  
ben abzuschrecken vermeint/ vnd darob erstochen ward. Geschehen in Augspurg/ Anno 1569.



S Jweil vil Leüth hand verlangen/  
Wie doch die gschicht sey zügangen/  
Wie dem Teuffel der vmbbracht war/  
So will ichs eüch erzelen gar/  
Vnd trage darnon nur kein zweiffel/  
Dann man kennt heut diesen Teuffel.  
Der sein Kunst so schandlich vergaß/  
Das er das leben drüber laßt.  
Zü Augspurg in der bekanten Statt/  
Es sehr vil Jesuiter hatt.  
(Wie sie sich dann einblicken zern/  
Schier bey allen Stätten vnd Herrn)  
Welche vnder allen Mönchs Orden  
Sind die aller fürtrefflichsten worden/  
Ihrs eyfers halb zü beschützen/  
Das Bapstumb vorn sal zü stützen:  
Nuhn hört wie ein Jesuiter/  
Der Jesu war gar zü wider.  
(Dann Jesuiter zuff. omnen ist/  
Gleich wie auch der nam Widerchrist)  
Wie list Jesu Christ wolt rauben/  
Ziehen ab vom Christen Glaubens  
Ein Magd die in der selbigen Statt/  
Bey ein fürnemmen Herrn dient hatt/  
(Welcher Herz mit füg nicht wirt gnennt/  
Weil in villiche ein jeder kennt)  
Welche/ weil sie war Euangelisch/  
Vnd sonst dz gang hauffgsind Bapstisch.  
Iz Herz hatt sie gern selbs beredt/  
Desgleich der Jesuiter thet:  
Das sie von irem glauben abstünd/  
Sie thet sonst ein grewliche sünd/

Vnd wanns sich nicht bekennen wolt/;  
Der Teuffel sie anfechten solt/  
Vnd gar in verzweiffung treiben/  
Solt doch Kurgumb nicht drauff bleiben.  
In summa/ die magdt wolt nit daran/  
Sie wolt auff irem glauben bstahn/  
Was geschach/ der rath ward also bgeschlossen  
Das der Jesuiter zum bossen/  
Versucht ob er sie abschrecken künde/  
Sas sie von irem glauben abstünd/  
A. achte bald zwey Teuffels Kleider/  
Samit sich dann anzogeleider  
Der Jesuiter/ vnd erschein/  
Bey dunkler nacht der magdt allein/  
Welchs jr zwar einen schrecken bracht/  
Wie ein jeder bey jm selbs eracht/  
Noch dorfftes im hauff niemandt sagen/  
Dann nur ein knecht thet sie es klagen/  
Welcher jr nit wenig war hold/  
Der jr dann verhieß das er wolt  
Wann sie thet ein gschrey/ jr beyst:hen/  
Wolt den Teuffel selbs beschn.  
Der Teuffel wolt zübleiben nit/  
Sehr schröcklich in die Kammer tritt/  
Dann er het s. ...ffel darzü gmacht /  
Vnd schein der Mon hall die selb nacht/  
Da fieng die magdt an sehr zü schreyen/  
Der knecht die steg hin auff thet eylen:  
Hett sich mit ein Faustkolb verfaßt/  
Sein schwert auch nicht dahinden laßt/  
Der knecht keddlich in Kammer geht/  
Sicht das der Teuffel beim bett steht/

Vnd sieht das er gegen jm gieng/  
Dem Knecht zü grausen auch anfieng/  
Bey dem Allmechtigen er in bschwirt/  
Der Teuffel dennocht nicht außfür/  
Sonder sich neher zü jm macht/  
Sast derhalb ein argwon vnd dacht/  
Das es nicht recht wurde zügehen/  
Vermeint doch noch ein weyl züstehn.  
Er macht jm aber so eng die Kammer/  
Greiff leglich zü sein Fausthammer/  
Schlecht jm den über seinen grimd/  
Der Teuffel dennocht nicht versawindet/  
Greiff derhalb noch zü sein schwert auch/  
Sticht es dem Teuffel durch den bauch.  
Sa lag der Jesuiter/ sch Teuffel/  
Bey wem er sey ist noch zweyfel/  
Wann er nun nit bey isem steckt/  
Durch des gestalt er andere hat gschreckt/  
Also ward die magdt von dem bösen/  
Gar wunderbarlichen erlöset/  
Wolt Gott das wir abkemen mal/  
Solcher Mönchischen Teuffel all/  
Die anders nichts mit der Kapp schaffen/  
Dann leut züschrecken vnd zü affen/  
Vnd wann die nicht mehr helfen kan/  
Ziehens che des Teuffels Kapp an/  
Weil kein forcht mehr ist vorn Wölffen/  
So muß sez der Teuffel helfen/  
Gleich wie auch die Mönchen zü Bern/  
Hand den Teuffel auch ghabt zü Herrn.  
Welchem dises nicht ist gnüg/  
Zü greiffen der Mönchen berrug/  
Der wirt zwar all sein tag nicht klüg.